

D. B. V.

DISQVISITIO PHILOSOPHICA  
De

PIETATE  
In  
PATRIAM,

Qvam

*Ex suffragio Emp. Senat. Philosoph.*  
*in Reg. Acad. Ab.*

Sub PRÆSIDIO

HENRICI HASSEL,

Eloq. Prof. Reg. & Ord.

Et h. a. Rect. Magn.

*Examini publico s̄sistit.*

Die XXIX. Mart. A. MDCCXXXV,

*Beneficiarius Rerius*

JOHANNES AND. LÖSSEKUNDI

*Aboæ-Fennus.*

In Auditor. Maj. horis conservis.

ABOÆ, Exc. Joh. Kiämpe R. Ac. Typ.

Q. CHIUSI A. I.

S:æ R:æ Maj:is  
Magnæ Fid: i VIRO  
Et Chiliarchæ  
*Generosissimo Domino*

Dn. ERN. G. WILLEBRAND,  
Mæcenati Magno.

Nomen Tuum Patrono benignissime opella, huic  
speciminis Academicæ loco in pubicum pro-  
ditura præfigere vel ideo sustinui, quod ipsum  
hoc argumentum, cuius explicacione pro tenui fa-  
cilitate mea sum aggressus, Te maxime dignum  
videtur. De Pietate enim in Patriam be-  
gore proposui, cuius insigne exemplar tota ex-  
hibet vita Tua. Pluris namque fortunas Patriæ  
semper fecisti, quam commoda privata. In rebus  
etiam asperis quam intrepidus fueris, nemo no-  
si idem in Patria si hospes ignorat. Fratrem  
confidem am mihi addit favor Thus, erga bona-  
rum artium cultores officios, tenui lices fortu-  
nientes insignis, quem pluribus documentis  
experiri liquit, quo tempore in nobilissima domo  
Tua agebam. Serena igitur frunte aspicias  
Mæcenas, qualecumque hoc pia ac venerabunda  
mentis interprætamentum, eiusque auctorem  
encliticum Thorum numero perpetim inveniris  
Patiaris

Generosissimi Notinis Tui.

J. A. LÖSSLUND.

S:æ R:æ M:is  
Magnæ Fidei VIRO  
Generoso ac Illustri D:missi  
**D:li. PETRO JOHANNI**  
**GYLLENECKER,**  
Militiæ Pedestris ad Novam arcem  
& Savolaxiam Chiliarchæ locum Te-  
nenti longe strenuissimo,  
Mæcenati Magno,

*Invidie morsus non expers ante manebit,  
Chartaceus noster tuto sub tegmine sudor,  
Tu nisi respicias foveasque elementa libelli,  
Qui pede ter tremulo tangit Tua limna  
cel/a.*

*Flagitat hinc igitur lucem mea viliis opella,  
Atque Tuo tanto radiari lumine poscit.  
Quod supereft, opto, longos TIBI Nester's  
annos,  
Canitiesque TIBI flaccescat tempore sero !*

Generosi ac Illustris Nominis Tui,

*Cultor humillimus*  
**J. A. LÖFGREN**

S:æ R:æ M:t:s  
Magnæ Fidei VIRO,  
*Inclito & Nobilissimo Domino*  
Dn. JOH. HENR. FIEANDT,  
Legionis Pedestris ad Novam Arcem  
& Savolaxiam Majori strenuissimo,  
ut Nutritio olim indulgentissimo, ita  
Mæcenati optimo.

VIRO Nobilissimo atque Consultissimo,  
Dn. JACOBO NIDELBERG,  
Judici Territoriali per districtus Sa-  
volaxiæ superioris dignissimo, Nu-  
tritio ante aliquot annos Liberalissi-  
mo, Patrono desideratissimo,

**T**anta in me Mæcenis & Patroni bene-  
predicare, ne dum gratiam illis di-  
infratus videar, exilem bunc iugenii fæ-  
offerco. Illum benigne excipiatis rogo; nec  
sira ego incolumitate ardentissima nuncu-

Nominum dignita-

cultor obser-  
J. A.

*VIRO Generoso atque Nobilissimo,*

**Dn. CAR. G. ROSENMÜLLER,**  
Centurioni Legionis Pedestris Helsingiæ maxime strenuo, Nutritio non ita pridem propensissimo, Patrono æstumatissimo.

*Viro spectatissimo & Amplissimo,*

**Dn. DIETERICO WALTER,**  
Commissario Militari longe dexterissimo, Nutritio pridem benignissimo,  
Patrono exoptatissimo.

*fisia contulisti, ut non ea pro merito degna referre valeam. Ne tamen omnia inveni-  
sum, ut sincere in Vos pietatis indicem  
me solito favore amplecti desinite. Pro Ver-  
pare vota non intermittam.*

*tumqve Vestiarum*

*vantissimus*

**LÖFFELUND.**

*Admodum Rever. Atq; Ampliss. VIRO,*  
**Dn. ANDREÆ DEGERMANN,**  
Pastori & Præposito Ecclesiarum, qvæ  
Deo Jacobitadii & in Pedersöre col-  
liguntur , longe meritissimo, ut pri-  
dem Præceptoris Integerrimo , ita  
Parrono certissimo.

*plurimum Reverendo atque Clarissimo VIRO*  
**Dn. JOHANNI CARPELIO,**  
Scholæ Cathedralis Aboënsis Con-  
Rectori dexterissimo, ut Præceptoris  
olim diligentissimo , ita Patrono quo-  
vis honoris cultu semper prose-  
quendo.

**Dissertatio.**

**D. D.**

**J. A.**

*Admodum Rever. atque Praclariss. VIRO,*  
**Dn. Mag. ISRAELI PELDAN,**  
Scholæ Cathedralis Aboënsis Rectori  
accuratissimo. Præceptorι antehac  
fidelissimo, Patrono animi venera-  
tione, qua par est, perpetim colendo.

*Per quam Reverendo atq; Doctissimo VIRO;*  
**Dn. MATTHI. F. LÖSSLUNDI**  
Sacellano in Wederlax fidelissimo,  
Patruo honoratissimo.


mem hanc

D.

L.

# CONSPPECTUS.

- §. I. Voces pietatis & patriæ explicit.
- §. II. Locum nativitatis non habere vim obligandi statuit.
- §. III. Ex quo principiis officia in patriam derivanda sint, edixerit.
- §. IV.rietatem in Patriam tam ad Imperantes quam parentes pertinere ostendit.
- §. V. Imperantium offici stricetim adumbrat.
- §. VI. Officia civium circa culturam animi & corporis expavit.
- §. VII. Eorum officia circa bona & opera.
- §. VIII. Circa existimationem.
- §. IX. Circa vitam tradit.
- §. X. Officia in patriam cum aliis comparat.
- §. XI. Officia in patriam & imperantes intra terminos a legibus Divinis naturalibus & revelatis positos limitat.
- §. XII. Quomodo desinat officium in patriam, inquirit.



§. I.

**A**Ntequam ad proposi-  
tam argumenti expli-  
cationem proprius ac-  
cedimus, vocabula, quibus  
haec inscribitur dissertatio, pau-  
cis enucleabimus. Quod i-  
gitur attinet vocem pietatis, il-  
lam adhibemus in sensu apud  
scriptores probæ latinitatis  
maxime usitato, quo nimi-  
rum designat officium superio-  
ribus debitum. Sic pietatis

**A** ob-

objecta sunt Deus, summi Imperantes, magistratus, parentes & alii, quibus reverentiam & obsequium debemus. Patriæ autem nomen in duplii potissimum significatu occurrit. I. Denotat locum, ubi quis in lucem editus fuit. Neque aliud frequentius est, quam ut huic Athenas, isti Romam, illi Carthaginem patriam fuisse dicamus. II. Per patriam intelligimus societatem illam civilem, cuius membrum quispiam existit, sive ipsa nascendi sorte illi accessit, sive sponte subjectione eidem adherescere coepit. Respublica vero, in qua iure civitatis ali-

aliquis non gaudet, patria dici nequit. Sic legati, peregrinantes, obsides & ab hostibus capti extra patriam agunt. Hæc patria loci, illa patria juris a Cicerone vocatur. Libr. 2. De legib,

§. II.

**Q**uod attinet patriam prius sensu acceptam, solet quidem illa pluribus mortali- um carissima esse. Ubi enim reminiscimur losorum, in quibus pueritiam a curis vacuam ludibundi transegimus, juxta recurrit memoria delectationis, qua olim ibi constituti perfru- ebamus; adeoque iucunditatem, que aetatis erat, loco sape tribuimus. Præterea

tissimum est, regiones quasdam ob situm amorem, sa-  
lubritatem, vel alias causas præ cæteris placere. Ve-  
rum hæc neutiquam sufficiunt ad obligationem in illas alicui imponendam. Nam locus ju-  
ris capax esse non potest. Ne-  
que enim jura & obligatio-  
nes aliis, quam entibus ra-  
tionalibus conveniunt. Quis  
diceret Israëlitas in deserto na-  
tos, singulari quadam obli-  
gatione eidem obstrictos suis-  
se? Et qui in navi, inter un-  
das oceani jaætata, lucem ad  
spexit, ideo neque primo isti  
domicilio, neque mari officia  
debet. Quis insuper nescit,  
homines pluribus delectari,  
qui-

quibus eapropter non obli-  
gantur. Hęc de locis in se-  
spectatis sunt intelligenda.  
Quemadmodum vero ipsa ter-  
ra maximam eorum partem  
subministrat, quae & necessi-  
tati & delectationi inserviunt  
nostrae: ita ad illam a vasta-  
tione servandam & fertilita-  
tem ejus augendam sœpe ob-  
ligamur; quae tamen officia  
non tam solum ipsum, quam  
homines inde utilitatem acci-  
pientes respiciunt.

## §. III.

**P**atria in posteriori significa-  
tu, qua nimirum deno-  
tat societatem majorem, in  
qua sedem fortunarum consti-  
tuimus, nostrae jam tractatio-  
nis

nis erit objectum. Prius vero,  
quam officia eidem praestanda  
proponere adgredimur, quo  
ex principio seu fonte &  
origine derivanda sint, dispi-  
ciamus. Quod homines, pos-  
sito hoc rerum statu, ex pra-  
va illorum natura resultante,  
salvi & incolumes manere non  
possint, nisi in societates ma-  
iores coiverint, ipsa docet ex-  
perientia, & moralistæ cer-  
tissimis argumentis ab eadem  
desumptis demonstrant. At-  
que hoc ut extra, controver-  
siam constitutum, jam præsup-  
ponimus. Ubi autem homi-  
nes vident, civitates sibi esse  
necessarias, pariterque intel-  
ligunt, has ad sui conserva-  
ti-

onem & felicitatem plurima  
requirere, sine quibus non  
possent consistere nedum  
florere; iidem facile conclu-  
dunt, se obligatos esse ad ca-  
vendum ab illis, quæ publi-  
cæ rei damnum adferre possunt,  
ad illa vero agenda, quæ com-  
mune promovent emolumen-  
tum. Est igitur ipsa civitatum  
strutura & indoles norma il-  
la, ad quam officia in patri-  
am exigere oportet.

## §IV.

**O**mnis civitas ex duplice or-  
dine constare dabit, im-  
perantium nempe & parentio-  
rum. Hi se invicem respiciunt,  
quorum unus absque altero ne  
intelligi quidem potest. Re-  
gim

gem esse, & non habere quos regat, implicat contradictionem. Civitas etiam sine imperio corpus est exanimis. Ut trique autem & exercentes imperium, & ejdem subiecti ad unum conspirabunt finem publicam nempe salutem.

## §V.

**D**icuntur imperates Dii tutelares. Ut vero rite officio suo fungantur, non sufficit in sanctiendis tantum legibus quod justum, honestum & decorum est observent. Omnes etiam studio invigilate debent, ut statum reipublicæ felicem magis magisque promovere possint. Illud autem, quum non obtineatur, nisi interna

terna civiatis tranquillitas sit firma & solida, incumbit principibus, ita temperare voluntates civium, ne procax licentia securitatem publicam interturbet. Quare injurias quaslibet prohibeant, & disciplinam instituant talem, quæ finem quorumvis & universorum in civitate respiciat. Quam autem insuper externa mala in uno momento totam rem publicam possint destruere, ubi locis munitis & necessario milite ei non sit prospectum; necesse est imperanti, ut patriam adversus hostilia molmina sartani tectamque reddat. Quippe ut caput cum corpore, ita salus interitusque

princ.

principis cum salute & ruina  
reipublicæ conjunguntur. Quo  
etiam Israelitæ respexisse viden-  
tur, dum a Samuele talem  
regem petierunt, qui armas  
pro iis caperet. Ad privatæ  
commoda publicis post haben-  
da omnino obligati sunt, ma-  
gistratum tenentes. Quid? quod  
si publicæ saluti privatam in-  
columitatem præferant, a Ty-  
rannidis labore tales vix immu-  
nes habeantur. Quod pro-  
be intellexit Attilius Regulus,  
qui ad Carthaginenses Iubens  
potius redire omnibusque ca-  
lamitatibus se submittere vo-  
luit, quam videre patriam sui  
causâ periculis exponi.

## §. VI.

**Q**uod homo sibi soli non sit natus; sed ut Deum celebret & societatem colat, indicat congenita illi rationis vis & dotes multæ, quibus sapientissimum Numen, illum, præ brutis animantibus ornat. Non igitur otiosus debet esse, verum quantum possit aliis inservire. Hinc vires animi sunt excereendæ, actionesque componendæ ad normam legum Divinarum, naturalium & revelatarum. Artes addiscendæ bonæ & utiles. Sic neque corporis cultura negligenda, verum formandum illud plane aptum ad varia negotia obeunda. Sanitatis ra-

<sup>6</sup>  
tio haēnda; vires laboribus fir-  
mandæ, ne otio & inertia  
frangantur; affectus denique  
domandi, ut compositis ita he-  
ne & animi & corporis dōti-  
bus habilis & promptus fiat ci-  
vis ad ea subeunda, quæ a  
magistratu jubentur.

## §VII

**O**pes & tributa eroganda  
esse patriæ, quilibet in-  
teiligere potest. Absque his  
enī neque publica negotia  
administrari neque civitas ser-  
vari potest. Sane, si quisque  
suum tantummodo quæreret  
lucrum nec quidquam in com-  
mune conferret, quamdiu quæ-  
so respublica incolumis mane-  
ret. Quocirca ad conservan-  
dam patriam omnium & sin-  
des

gulorum opes conspirare debent; imprimis ubi hostis bellicos apparatus instruit & illam exitio dare molitur. Sunt quidem haud pauci, qui ob singularia merita & munera gratia a tributorum solatione in quibusdam rebus publicis excipiuntur; nihilominus, quum in periculo versatur status publicus, ut etiam illis pro fortunarum ratione ad tuendam & defendendam patriam census imponatur, non justum tantum sed & maxime necessarium est.

### §. VIII.

**E**xistimatio a Moralibus communiter dividitur in simplicem & intensivam. Illa est, quando quis pro tali facta non

nondum innotuit , qvod non  
tantum ab honestate est remo-  
tum sed regulis justi omnino  
contrarium. Hæc, quando qvis  
propter dotes vel ingenii vel  
corporis & insignia in re-  
publicam merita , honoribus  
ac dignitate præ cæteris orna-  
tur. Utraqve in virtute  
vera ac non fuzata funda-  
mentum adgnoscere debet. Et  
utriusqve rationem habendam  
esse contendimus. Quid au-  
tem hæc existimationis cura  
valeat in ordine ad pietatem  
in patriam excutiamus. Inci-  
dunt soepe tempora, ubi re-  
publica in factiones divisa,  
homines justum & honestum  
non ex genuinis principiis, sed  
suo-

suoque quisque arbitrio pro-  
priam duntaxat utilitatem,  
respiciente metiuntur. Hinc  
fit, ut actiones & naturaliter  
& civiliter bona pro turpissi-  
mis facinoribus traducantur.  
Unde viri a virtute dimo-  
veri nescii, infamia soepe  
notantur & omnium dignita-  
tum faciunt jacturam. In ta-  
li casu officio potius & con-  
scientiae est satistaciendum,  
quam injusta infamiae macula  
formidanda. Certissimum ta-  
lia patientibus est solarium,  
quod veritas in perpetuum op-  
pressa jacere non possit, sed  
tandem in lucem producatur  
fulgentiori gloria cumulet vir-  
tutem.

## § IX.

**V**Ita honorum, quibus hic  
fruimur mortales, est fun-  
damentum, adeoque omnibus  
carissima esse solet. Hanc i-  
pse Deus omnis boni fons u-  
nicus nobis concessit; in quam  
etiam particulare dominium  
sibi reservavit. Quare neque  
homini licet eandem pro lu-  
bitu sibi eripere. Detestabilis  
itaque est veterum Gymnolo-  
phistarum sententia, quos Cur-  
tius narrat mortem exspectatam  
pro vita dedecore habuisse.  
A quibus non procul abluse-  
runt Stoici vitam & mortem  
inter indifferentia referentes.  
Hæc opinionum monstra, ceu  
adversa fronte cum ratione  
pugnan-

pugnantia & ex saniori Phi-  
losophia dudum explosa relin-  
quimus, ad illam quæstionem  
properantes: an exigente ne-  
cessitate pro patria vita discris-  
men sit subeundum? Ad hanc  
affirmando intrepide respon-  
demus. Res est evidens, quod  
ubi hostes civitatem inyadunt,  
illam perdere conantes, salva  
servari nequeat, nisi vis vi  
repellatur. Id autem ut fiat,  
necessitatem est, tantus civium nu-  
merus arma capessat, quan-  
tus periculo avertendo suffice-  
re probabiliter æstimatur. Et  
laudabilis est eorum animosi-  
tas, qui suam operam sponse  
offerunt. Qui vero id non  
sustinent, recte compelli pos-

iunt, ad periclitanti patriæ  
subveniendum. Qvis crederet  
Deum, q̄i jus naturale san-  
ciendo conservationem & fe-  
licitatem hominum pro scopo  
habuit voluisse, ut ~~in~~ in-  
nocentes, jugulum præberent  
illis, q̄i contra jus ac fas a-  
llis insultant? Neq; revelati-  
o aliud nobis persuadet. In  
populo enim peculiariter di-  
lecto Deus non tantum bella  
permisit, sed aliquando man-  
davit. Qvæ in novo foedere  
Christianis patientia commer-  
datur, vindictæ privatæ op-  
posita est, in qualibet repu-  
blica non tolerandæ. Atque  
sie verba Christi intellexerunt  
antiq; Christiani, Magistra-  
tui

tui ad arma vocanti obsequentes. Qvare etiam Regni Svecani ordines solenni stipulacioni hæc verba inserere non dubitarunt : *Lijf / leſtverne / Godz ágor / och alt thet wij áge wele wij haſtwa espart.* Ait tam eximiam, licet pietatem in patriam esse eportear; non eo ipso tamen probamus factum illorum, qui pyrio pulvere accenso, una cum navis interire, quam hosti se dederat satius ducunt. Id enim *aumxus* sapit, quam juri naturali contrariam esse supra dimicimus.

## §. X.

**P**rogradimur porro ad discendendum, quantum pietati

tati in patriam in ordine ad alias obligationes sit tribuendum. Offerunt sese heic parentes, liberi & sanguine juncti, quibus maxime nobis incumbit officia prestare. Et præcipue parentes, difficultatem circa pietatem in patriam movere videntur, quando videlicet debita utriqve officia simul nequeunt præstari. E. g. in proelio navalium, ubi ex una parte navis, parens filium, ut ex aqua exsiliat manum porrigere sibi jubet, & ex altera, commoda urgent patris hostem ejusque conatus propellere. Cui prius oportulaandum. Parentes amore piku-

sunt prosequendi, siquidem  
ab illis nobis vita, patrimo-  
nium & beneficia plurima pro-  
veniunt. Patria rursus, liber-  
tatem, civitatem & campum  
præbuit civi, in quo virtu-  
tem suam exercere possit. Con-  
tendere inter se acerrime hæc  
officia videntur. Verum eni-  
vero, quum patria sit antiqui-  
or parens, & longe majora  
contineat beneficia, quam a  
genitoribus proficiisci possunt,  
ei profectio major debetur gra-  
tia. Nam si exactissima com-  
paratio inter utrasque obliga-  
tiones instituatur, deprehen-  
ditur illa esse necessaria, ast  
hæc magis necessaria, quum  
nimis.

nimirum utrisque simul satis-  
fieri non potest. Ubi vero  
magis necessariorum major ra-  
tio habetur, quam minus ne-  
cessariorum; eo ipso nullius  
injustitiae quisquam accusari po-  
test. Deinde commoda singu-  
lorum postponenda esse em-  
olumento integræ societatis,  
quis est, qui non videat?  
Hinc neque adseverare dubi-  
tamus, quin filii vim absq;  
scelere inferre parentibus lice-  
at, quando statoi publico ho-  
stilia intentant. Tullius: *Quid*  
*si inquit tyranidem occupare,*  
*si patriam prodere conabitur p-*  
*ter, filebit ne filius?* Imo ve-  
ro obsecrabit patrem, ne id fa-  
ciat: *si nibil proficiet, accusabit:*  
*minas.*

minabitur etiam. Ad extremum, si ad perniciem patriæ res spectabit, patriæ salutem anteponit patris. Lib. III. de Off. C.XXIII. Qvod ad cæterorum officia, nempe in liberos, uxores & eos, qui sanguinis communione nos tangunt, attinet, eadem est ratio nimis quod patriæ commodis fortunisque posthabenda sint. Laudi namque dicitur passim in historiis Bruto & Manlio, quod nullam sanguinis propriæ rationem habentes, morti filios suos tradere non aversati sunt, & neglecta privati amoris teneritudine salutem reipublicæ tanquam unicum finem promoverint. Imo nihil

solemnis occurrit lectu, quam  
pro bono publico & commu-  
ni salute privatum affectum di-  
spensasse & neglexisse Heroas.  
Sic Timoleon fratrem suum Ti-  
mophontem perfodi curavit,  
quam admonitus patriam pra-  
vis conatibus persequi non de-  
sisteret. Quare in optimum  
ordinem officia digerit, Cice-  
ro sic scribens: Si contentio  
quedam E⁹ comparatio fiat,  
quibus plurimum tribuendum  
officii, principes sunt patria E⁹  
parentes, quorum beneficiis ma-  
ximis obligati sumus: proximi  
liberi totaque dominus, qua spe-  
ciat in nos solos, neque aliud  
ullum potest habere perfugium:  
deinceps bene convenientes pro-  
pin-

pinqui, quibus cum etiam com-  
munis plerumque fortuna est.  
L. I. de off. c. 27.

§. XI.

**E**st quidem illa indoles rei-  
publicæ, ut civem pos-  
sit compellere non tantum ad  
id, quod juri debetur stricte  
sic dicto, sed etiam ad omnia  
alia, quæ virtus quælibet præ-  
cipit; verum si superiores sub-  
tentu pietatis in patriam ju-  
berent ea facere, quæ legibus  
divinis contrariantur, an illa  
actio sit suscipienda, non fru-  
stra quæritur. Pugnat Hob-  
besius in Lib. de Cive: Regu-  
las boni & mali justi & in-  
justi, honesti & in honesti se-  
teges civiles; ideoque quod legiso-  
latores

lator præceperit, id pro bono,  
 quod retuerit, pro malo ha-  
 bendum. imo inde iniquum  
 esse dicterium: Regibus non esse  
 obtemperandum, nisi justa pre-  
 ceperint. Qvibus addit, quod  
 ante imperia justum & injus-  
 tum non extiterit; ut quorum  
 natura ad mandatum sit rela-  
 tiva: actionemque omnem sua  
 natura esse adiaphoram; quod  
 autem sit justa vel injusta a juri  
 re imperantis provenire. Ve-  
 rum hæc admodum sunt dura  
 & hiulca. Largimur quidem  
 leges Civiles promovere pra-  
 xin & exsecutionem eorum  
 qvæ jure naturali præcipiuntur,  
 v. g. naturaliter justum est,  
 ut æs alienum solvatur & de-  
 positi

positum reddatur; hoc ta-  
men multi negligerent, nisi  
sanctione poenali ad officium  
compellerentur. Imo conce-  
dimus superiorum mandata  
semper cum præsumtione ju-  
stitiae esse debere conjuncta.  
Quod vero justum & injustum  
ante leges Civiles non exsite-  
rit neutiquam probamus. An-  
te enim imperia civilia notio-  
nes justi & injusti hominum  
pectoribus infixæ fuere. Alio-  
quin vix in civitates coivissent;  
quippe quum absqve pacto-  
rum interventu respublicæ con-  
stitui non possent. Nunquam  
de civitate cogitare cœdissent  
mortales, nisi prius sibi ex-  
ploratum perspectumque habe-  
issent,

issente, quod servare pacta iu-  
stum & violare injustum esset.  
Quid? quod si ad normam  
duntaxat imperii civilis exigen-  
da force rectitudo actionum,  
nullius culpæ reus tuisset Cai-  
nus fratricida; factum quip-  
pe est facinus hoc antequam  
imperia politica extiterunt. L-  
mo invitante occasione dene-  
gare facile possent cives obse-  
quia principi, si solo metu  
in officio continerentur. Igi-  
tur, quum leges naturales &  
revelatae sine legibus civilibus  
vigorem suum habeant, neq;ue  
illas eandem cum his ratione in  
habere presupponimus. Qua-  
re si princeps gravi qvadam  
efflagitante necessitate contra  
leges

leges pure civiles & positivas facere jussiterit, potest civis suscipere actionem absque sci- lere. Ast ubi adversus leges naturales & revelatas quid aperte mandaverit, obtempe- rare non convenit. Ab his enim ne latum quidem, ut ajunt, ungvem discedere oportet, quemq;am. Hic tamen cavendum, ne præcipitemus judicium & pro injustis habeamus, quæ talia non sunt. Quamvis etenim generalia axiомata moralia, adeo sint perspicua, ut vel primo intuitu cuilibet patescant; ubi tamen ad causas particulares, circumstantiis tantum non infinis distinctos, applicabuntur,

ad-

admodum difficile est punctum  
justæ æquitatis attingere. Im-  
perantes etiam varios inter-  
dum fines sibi propositos ha-  
bent, qui quam diligentissi-  
me celabuntur, si quis desti-  
natis successus sit exspectandus.  
Ignoratis autem finibus de ja-  
stitia alicujus instituti recte  
judicare nemo potest. Circa  
negotia denique, quæ diversis  
civitatibus inter se invicem in-  
tercedunt, hæc præcipue oc-  
currit difficultas, quod diver-  
sa soepe sit ratio iustitiae illis  
observandæ, ab ista, quæ in-  
ter privatos exerceri deberet.  
Quare qui talium rerum ido-  
nei erunt æstimatores, hos non  
tantum sagaci ingenio, &  
mul-

multiplici doctrina, sed etiam exquisita status praesentis ejusque arcanorum notitia instructos esse oportet. Optime igitur sibi consulunt homines ab hisce imparati, si a censura rerum suum captum excedentium se abstineant, & ut iusta excipient, quorum iniustitiam demonstrare non valent.

### §. XII.

**P**artium quoque nostrarum esse arbitramur, ut de officiis in patriam cessatione pauca hic subnoscamus. Quod cultus illius superioribus praestandus, non de levi casu langueat, neminem cui aliqua honesti ratio inest, latere potest.

est. Taceo, quam integra,  
pacta & conventa servandas  
sunt. Evidem fidei fulcro a-  
deo consociationes nituntur ma-  
iores, ut, qui in totum se  
illis semel addixerunt, non si-  
ne summo scelere illas des-  
rere possint. Igitur, quibus  
alteri potestati se mancipare  
atque ex hac in aliam trans-  
ire civitatem volupe est, his  
incumbit attendere, an adsci-  
tae civitatis, quam mutare vo-  
lunt, leges emigrationem ad-  
mittant nec ne. Apud Moschos,  
Anglos, Scotos & Danos ex-  
tulisse decreta, quibus cives ex  
patria emigrare vetabatur, com-  
memorat Arnizetus, Lib. I. C. V.  
de Republ. Constat etiam fuisse  
initi-

initium belli inter Romanos & Persas, quod illi ad se a- vocaverint cives Persarum. Quaedam civitates abituris cer- tam pecuniae summam pro ratione honorum, quæ possi- dent, fisco solvendam impos- nunt, quod apud nos usu receptum est. Hæc & alia id genus instituta civibus utique sunt observanda. Nec ta- men video cur innoxia quo- rumdam migratio tantopere impediri debeat. Recte Cice- ro: ne quis, inquit in civita- te maneat invitus. Idem fun- damentum libertatis appellat, quod sui quisque juris retinendi & dimittendi sit dominus. Sed hæc de singulorum nu-

gratione valent. An vero  
 gatim & que a civitate disce-  
 dere liceat disquirere altioris  
 est indaginis. Negativa sen-  
 tentia arridet Grotio, ob ne-  
 cessitatem finis. Ad securi-  
 tatem enim communem, quam  
 civitates intendunt, copiosior  
 numerus requiritur; quare si  
 majora civium agmina simul  
 exirent, respublica tot civibus  
 ipsolata, contra externam ins-  
 vasionem agre se tueretur.  
 Semper autem dicente Procu-  
 lo: *Non id quod privatim  
 interest unius ex sociis, serva-  
 ri solet, sed quod societati ex-  
 peait.* Affirmativa iterum Puf-  
 endorfio placet, substanti-  
 hanc: *Licet hac vel illa civitas  
 per*

per migrationem civium gregatim factam insigniter debilitetur, ac demum plane desolatur: non tamen ideo societas civilis inter homines penitus tollitur. Sed unius corruptio alterius est generatio; unius decrementa alteri incremento cedunt. Natura civiles esse sociates in genere humano jam multiplicato voluit; sed ut haec vel illa civitas perpetuo subsisteret nusquam jussit. L. XVIII. J. N. & G. c. XI. §. 4. Verum rem paucis perstringamus. Si graves & inevitabiles causae, e. g. annonæ caritas & civium affluentia, quibus alendis & sustentandis non sufficit adscita tellus, exire jubeant, omnino migrare fatius

tius est quam fame contabescere. Hinc colonos omnibus temporibus emissos novimus. Absque vero necessitate urgente discurrere ex hac in aliam civitatem, saltum sapientiarum non hominum. Observamus etiam memoriam beneficiorum durare, quamvis sedes sit mutata, etiam in nova civitate, ex lege puta gratitudinis. De cætero hoc Tullii effarum semper in memoria habendum: *Cole pietatem, quæ magna in parentes, maxima vero in patriam est.* Hæc de pietate in patriam generaliter dicta sunt. Specialia tradere officia, campus per universam doctrinam politicam patentissimus est.

Juveni Præstantissimo atqve Eru-  
ditissimo

Dn. JOHAN. LÖSSLUND/  
Conterraneo & Amico suo  
honoratissimo.

**N**ulla fuere tibi Lölund incommo-  
da tanti,  
Lölund Abodicæ gratissima portio ph-  
bis,

Quin scandas cathedram, studiisque  
intendere mentem  
Pergas, inde bono proles peramoenaque  
Phæbo.

Qui sperata diu docti monumenta la-  
boris  
In lutem profers, reparasq; impendia  
pulchro  
Ingenii foetu, partis opibusque Miner-  
væ.

Qui quantam patrie pietatem qvis-  
que tueri,  
Qvo zelo debet, calamo describis acuto.  
Non igitur possum, quin cordis tester  
amorem,

Sue-

Succesusque Tuis letus conatibus o-  
prem.

Vive Deo gratus, patrie quoque com-  
modus esto:

Vive diu felix felici tramite perge  
Tangere nunc metam, quam sis sunt  
artis honores:

Tolleque sic meritas lauros, tua pra-  
mia, victor.

ita adplausit

MATTH. FONTENIUS

Aboz. Fennus.

Ineruditam

De

PIETATE in PATRIAM  
Dissertationem

Pereximii atque Doctissimi

Dn. JOH. A. LÖFGRENMD/  
Amici honoratissimi.

Sicut apis volitans per flores tempo-  
re verno,  
Dulces depascit latices, roseosque li-  
quores  
Sedula collectos in dedala tecta repo-  
nit,  
Ventura ut brumæ possit sufferre ri-  
gorem:  
Sic Tu Pierio bona quavis congeris a-  
gro,  
Cum pergis gnawus rerum splende-  
scere fama,  
Et sis, quem docuit pernix Tritonia  
Pallas,  
Et Patria atque, Tibi perplurima com-  
moda quaras.

G. I. M.

Gaudia jam testor, mi Fautor Sympa-  
trita,  
Ingeniumque, libens toto Tibi pectori  
grator.  
Perge velut pergis virtutum CULTOR  
ab ovo,  
Grandia Palladium statuet Tibi præ-  
mia Numen;  
Sitque in procinctu casta Te cingere  
lauru,  
Que viridis vernet nullum peritura  
per ævum,  
Dumbos tbymo pascuntur apes, aut  
vore cicade.

Ita ex animo tenui licet vena,  
gratulabundus scripsit

H. J. CARPELIUS  
ab ova-Fennus